



1. februar 2021

UKA 2020/142
UKIU 2021/142

Naqqiat

Siunnersuut 11. september 2020-meersoq taarserpaa
Siunnersuuteqartup aqqa allanngortinneqarpoq.

Inatsisartut suleriaasissatut malittarisassaani § 36 tunngavigalugu Apeqquteqaat aallaavigalugu oqallisissatut siunnersuut matumuuna saqqummiupparput:

Apeqquteqaat aallaavigalugu oqallisissatut siunnersuutigaarput, politikkikkut suliniutit suut aallartittariaqarnerigut imigassamik atornerluisut ikilisarniarlugit aammalu siunissami imigassamik atornerluinerup pinaveersaartinnissaanut.

(Inatsisartunut ilaasortaq, Bo Martinsen, Demokraatit)

Maani Nunatsinni imigassamik atornerluineq annertuumik ajornartorsiutaavoq. Ilaqutariit avissaartuutsinnejartarpuit, imigassamillu atornerluinermi pissutaasunut ilaavoq, nuna tamakkerlugu meeqqat sumiginnarnejartarmata, paarinnittussaagluanik. Naakkitsaanneruvod.

Taamaattumik pingaaruteqarpoq, nukigut tamaasa atorlugit imigassamik atornerluinerup akiorniarlugulu pinaveersaartinniarnissaa. Sorsuutiginnineq taanna maannakkut imerajuttuusut pitsaanerusumik inuuneqalersinnerannik kinguneqarsinnaavoq minnerunngitsumillu imerajuttut qanigisaannut.

Demokraatit neriuutigaat, imerajuttunik katsorsaanerup ullumikkumiit sunniuteqarnerunissaa. Soorlu assersuutigalugu isumaqarpugut, kukkunerusoq, katsorsaariaatsit ilaanni ukkatarineqartarmat, inuit imigassamik napparsimasut killilimmik imigassartornissaannik ilinniartinnejartarneri. Isumaqpugummi, inuit imerajunnermik nappaatillit killilimmik imernissaannik ilinniartinnejqarsinnaanngitsut.

Toqussutaasinnaasumik aaqqinnejqarsinnaanngitsumillu nappaateqarput, aatsaallu imigassartunngisaannarermikkut pitsanngorsinnaallutik.

Amerikkami nakorsat peqatigiiffiat American Medical Association (AMA) 1956-mi akueraat imerajuttunerup aaqqinnejqarsinnaanngitsumik, sukkasuumillu ineriartortutut nappaataasoq¹. Imatut paasillugu, imerajuttuuguit, inuunerpit sinnera imerajuttuuvutit. Imerajuttuuneq katsorsnejqarsinnaanngilaq aatsaalli nappaatit pissutaasinnaasut suunersut paasineqarlutik passunnejariinngippata suliarineqarsinnaanani. Nappaalli unikaallatsinnejqarsinnaavoq, Demokraatillu isumaat malillugu pisariaqarpoq, atornerluinermik katsorsaanerup aallaavigissaga imigassartunngilluinnarnissaq.

Demokraatillu aamma isumaqarput, immaqa isumassarsiatsialaassasoq katsorsaanermi atornerluisuusimasut peqataatikkaanni. Immaqa siunnerfilimmik siunnersuisutut atorlugit?

Pinaveersaartitsinermut tunngatillugu siunnersuutigerusupparput, maani nunatsinni Island isumassarsivissatut atussagipput, atornerluisunik iluatsilluartumik appartitsisinnaasimasoq. Ukioq 2000

¹ <https://medical-dictionary.thefreedictionary.com/alcoholism>



sioqqullugu Islandimi annertuumik atorneruinermik ajornartorsiuteqarput, tamannali mumisinneqarpoq – minnerunngitsumik pinaveersaartitsinerup ukkatarineratigut. Islandimi ukiuni kingullerni 20-ni inuusuttut imigassamik aanngajaarniutinillu atuinerat apparterujussuarneqarsimavoq ajornartorsiutaajunnaangajallugu. Tamanna pisinnaasimavoq suliniut “Den Islandske Model” atorlugu, tallimanik tunngaviusunik imaqartoq².

Suliniut pinaveersaartitsineruvoq, ataatsimoorussamik politikkerinik, angajoqqaanik aammalu ilinniarfeqarfinni assassortunik kivinneqartoq.

Inernerilu naatsorsorneqarsinnaasut tupinnaannarpot. 1998-imi imaassimavoq, Islandimi inuusutut 42%-ii ulluni kingullerni 30-ni aalakoorsimallutik. 2016-mi taanna kisitsit 5 procentimut³ apparsimavoq.

Demokraatit neriuutigaat oqallinnerup taassuma isumassarsisinhaassagaatigut, qanoq iliorutta ullumikkumiit pitsaanerusumik atornerluinernut katsorsaaneq suli pitsaanerulersissinnaagippot aammalu minnerunngitsumik isumassarsisinhaalluta, qanoq iliorutta ullumikkumiit pitsaanerusumik pinaveersaartisisinhaagippot, atornerluisunik nutaanik takkuttoqannginnissaa.

Taamatut oqaaseqarluta pissuserissaartumik kinguneqartussamillu oqallinnissarput kissaatigaarput.

²

<https://alkohologsamfund.dk/sites/alkohologsamfund.dk/files/media/document/Guiding%20Principles%20of%20the%20icelandic%20model.pdf>

³ <https://alkohologsamfund.dk/alkopedia/familiehygge-og-fodbold-holder-islandske-unge-vaek-fra-rog-og-druk>